

四庫全書

史部

# 欽定四庫全書

吏部

御批歷代通鑑輯覽卷二十

詳校官侍講臣王燕緒

編修臣裴謙覆勘

總校官進士臣程嘉謨

校對官編修臣吳舒帷

謄錄監生臣李邦燮

欽定四庫全書

御批歷代通鑑輯覽卷二十

漢

孺子嬰

姓

居攝元年春正月王莽祀南郊

劉友益書法自是以後皆斥書莽而削其

三月立宣帝元孫嬰為皇太子號曰孺子

嬰廣戚

漢縣故城在今江蘇徐州府沛縣

侯顯之子也

楚孝王竄之子勲封廣戚

侯顯勲之子也

年二歲託以卜相最吉立之

尊皇后曰皇太后

夏四月安衆

漢縣故城在今河南南陽府鎮平縣

侯劉崇

長沙定王六世孫

起兵

討莽不克死之

安衆侯劉崇與相張紹謀曰莽必危劉氏天下非之

莫敢先舉此乃宗室之恥也吾帥宗族為先海內必

和從者百餘人遂進攻宛

漢縣今南陽府南陽縣是

不得入而敗

紹從弟竦與崇族父嘉詣闕自歸莽赦弗罪竦因為嘉作奏請踏崇宮室用永監戒于是莽大悅封嘉竦

劉崇首倡大義  
程義繼之而起  
兩人功雖不就  
忠烈炳然可以  
旌職莽之魄鼓  
豪傑之氣故綱  
目予之

皆為列侯長安為之語曰欲求封過張  
伯松力戰鬪不如巧為奏  
伯松竦字

### 五月莽朝見稱假皇帝

羣臣白劉崇等謀逆者以莽權輕也宜尊重以填海  
內太皇太后乃詔莽朝見稱假皇帝

丁卯二年秋九月東郡太守翟義起兵討莽立劉信

東平王雲

子為天子三輔豪傑應之莽遣兵拒擊義戰不克死之

### 信亡走

翟義丞相方進之子也與姪子陳豐

上蔡人

謀曰新都

侯攝天子位故擇宗室幼穉者以為孺子且以觀望  
必代漢家方今宗室衰弱外無彊藩天下傾首服從  
莫能亢扞國難吾父子受漢厚恩義當為國討賊欲  
舉兵西誅不當攝者選宗室子孫輔而立之汝肯從

我乎豐年十八勇壯許諾義遂與都尉劉宇嚴鄉

胡三

省注嚴鄉侯國當在東郡

侯劉信信弟璜結謀勒其車騎材官士

募郡中勇敢部署將帥立信為天子義自號大司馬  
柱天將軍移檄郡國言莽酖殺孝平皇帝攝天子位

欲絕漢室今天子已立共行天罰郡國皆震比至山陽衆十餘萬莽聞之惶懼不能食太皇太后謂左右曰人心不相遠也我雖婦人亦知莽必以是自危莽

乃拜孫建等七人為將軍

建為奮武將軍王邑為虎牙將軍王駿為彊弩將軍

王況為震威將軍劉宏為奮衝將軍王昌為中堅將軍竇況為奮威將軍將關東甲卒發

奔命以擊義三輔豪傑趙朋霍鴻等聞義起自稱將

軍燒宮寺殺郡尉火見未央前殿莽復拜王級等為

將軍

級為虎賁將軍關遷為折衝將軍

西擊朋等日抱孺子禱郊廟

會羣臣而稱曰昔周公攝政而管蔡挾祿父以畔今  
翟義亦挾劉信而作亂自古聖猶懼此况臣莽之斗  
筭羣臣皆曰不遭  
此變不彰聖德乃依周書作大誥諭天下以當反

位孺子之意諸將至陳留

漢縣注見前

與翟義戰義敗死

竟不得信

初汝南舊有鴻陂大陂郡以為饒成帝時關東數水陂溢為害方進為相奏罷之及

翟氏滅郡中常枯旱追怨方進童謡曰壞陂誰翟子  
威飯我豆食羹芋魁反乎覆陂當復誰云者兩黃鵠

鴻陂陂亦曰鴻陂今河南汝寧府汝陽縣東

明年春三輔兵皆破滅莽

于是自謂獲天人助遂謀即真之事矣

戊辰  
初始元年春地震



秋九月莽母功顯君死

莽自以居攝踐阼奉漢大宗之後為功顯君總緣弁

而加麻環經

顏師古曰于弁上加環經也謂之環者輕細如環之形

如天子弔

諸侯服令其孫宗為主服喪三年

冬十一月莽以太皇太后詔號令奏事毋言攝

劉京

宗室廣饒侯

扈雲

車騎將軍千人

臧鴻

太保屬

奏符命

符命之起自謝

見前

京言齊郡新井

臨淄縣昌興亭長辛當一暮夢天公使來告之曰攝皇帝

當為真即不信此亭中當有新井雲言巴郡漢郡治江州今

晨起視之誠有新井入地且百尺

御批歷代通鑑輯覽

四

四川重慶府巴縣是

石牛鴻言扶風雍石莽皆迎受于是奏請

號令天下天下奏事毋言攝以居攝三年為初始元年用應天命

期門郎張充等謀誅莽不克死之

張充等六人謀共劫莽立楚王事覺被殺

十二月莽自稱新皇帝更號太皇太后為新室文母太皇太后

梓潼

今縣本漢置屬四川隸州

人哀章

師古曰哀姓章名

學問長安素無

行作銅匱為兩檢署其一曰天帝行璽金匱圖其一

署曰赤帝璽邦

漢高帝名

傳予

讀曰與

皇帝金策書

書言王莽為真

天子特書莽大臣八人又取命名王興王盛日昏時章亦自竄姓名凡十一人皆署官爵為輔佐

衣黃衣持匱至高廟以付僕射僕射以聞莽至高廟

拜受金匱神禪

師古曰言有神命使漢禪位于莽也

御王冠謁太后還

坐未央宮前殿即真天子位建有天下之號曰新以

十二月朔為始建國元年正月之朔

服色尚黃使節之旄幡署曰新

使五威節時以孺子未立璽藏長樂宮莽請之太后不肯

莽之篡弑元后實釀成之觀其

受新室文母之號恬不為怪已可概見至是乃拳拳一璽蓋亦掩人耳目之為耳班彪謂婦人之仁猶不免為其所愚

授莽使安陽侯舜諭指太后怒罵之曰而屬父子宗族蒙漢家力富貴累世既無以報受人孤寄乘便利時奪取其國不復顧恩義人如此者狗猪不食其餘天下豈有而兄弟耶且若自以金匱符命為新皇帝亦當自更作璽傳之萬世何用此亡國不祥璽為我漢家老寡婦旦暮且死欲與此璽俱葬終不可得因涕泣旁側長御以下皆垂涕舜亦悲不能自止良久乃仰謂太后臣等已無可言莽必欲得璽寧能終不

與耶太后恐莽欲脅之乃出漢傳國璽投之地曰我  
老已死知而兄弟今族滅也莽又欲改太后漢家舊  
號易其璽綬于是張永獻符命言太皇太后當為新  
室文母太皇太后莽從之

班彪贊曰三代以來王公失世稀不以女寵及王莽  
之興由孝元后歷漢四世為天下母繫國六十餘載  
羣弟世權更持國柄五將十侯卒成新都位號已移  
于天下而元后卷卷猶握一璽不欲以授莽婦人之  
仁悲夫

已新莽始建國元年是年以後至壬  
巳午依綱目纂賦干統例分注紀年  
春正月莽廢孺

子為定安公

定安胡三省無注馮智舒以為漢縣故城在寧州考地理志漢有安定郡無定安縣

寧州之名定安乃後魏非漢也

莽策命孺子為定安公孝平皇后為定安太后以大鴻臚府為定安公第置門衛使者監領勅阿乳母不得與嬰語常在四壁中至長大不能名六畜

改諸官名降漢諸侯王及王子侯爵

莽按金匱封拜其黨與

王舜平晏劉秀哀章為四輔甄邯王尋王邑為三公甄豐

王興孫建王盛為四將凡十一公如王興故城乃更門令史王盛賣餅兒莽按符命登用以示神焉

漢諸官名

大司農曰羲和後更為納言大理曰作士大常曰秩宗大鴻臚曰典樂少府曰共工

水衡都尉曰予虞又更光祿勳等為六監郡太守曰大尹都尉曰太尉縣令長曰宰其餘百官盡易其名

不可勝紀降諸侯王皆為公二十人王子侯皆為子一百八十人

立九廟以漢高廟為文祖廟

莽陋小漢家制度欲更為踈闊乃自謂黃帝虞舜之

後

至齊王建孫濟北王安失國齊人謂之王家因以為氏

以黃帝為初祖虞舜

為始祖

追尊陳胡公為陳胡王田敬王濟北王安為濟北愍王

立祖廟五

親廟四

天下姚姬陳田王五姓皆為宗室

以漢高廟為文祖廟

師古曰欲

法舜受終  
于文祖

漢氏園廟祠薦如故

禁剛卯金刀

莽以劉之為字卯金刀也詔正月剛卯金刀之利皆不

得行

服虔曰剛卯以正月卯日作佩之長三寸廣一寸四方或用玉或用金或用桃著華帶佩之今

有玉在者銘其一面曰正月剛卯金刀莽所鑄之錢也

卿士僉曰天人同應昭

然著明其去剛卯莫以為佩除刀錢勿以為利

先是莽造

錯刀一直五千契刀一直五百大錢一直五十與五銖錢並行及是罷錯刀契刀及五銖錢更自別作小

錢徑六分重一銖與前大錢五十者為二品欲防民盜鑄乃禁不得挾銅炭



夏四月徐鄉

漢縣故城在今山東登州府黃縣

侯劉快

膠東恭王子

起兵討

莽不克死之

徐鄉侯劉快結黨數千人起兵于其國快兄殷故漢

膠東王時改為扶崇公快攻即墨

膠東國都

殷閉城門自

繫獄吏民距快快敗走至長廣

漢縣故城在今山東登州府萊陽縣

死

莽禁不得賣買田及奴婢

莽更名天下田曰王田奴婢曰私屬皆不得賣買其

男口不盈八而田過一井者分餘田予九族鄉黨故

無田今當受田者如制度敢有非井田聖制無法惑  
衆者投之四裔以禦魑魅

冬靄桐華大雨雹

庚始建國  
年二年

春二月莽廢漢諸侯王為民

先是莽遣五威將帥

每一將各置左右前後中五帥  
衣冠車服駕馬各如其方面色

數班符命四十二篇於天下王侯官吏外及蠻夷皆

授新室印綬因收故漢印綬至是還奏漢諸侯王為

公者悉上印綬為民以獻符命封侯者三人

故廣陽王  
嘉魯王閔

中山王  
成都

立五均司市錢府官令民各以所業為貢榷酒酤

劉秀言周有泉府之官

周禮有泉府

收不售

民貨不售則斂而置之

與欲得

無而欲得則官出與之

莽遂立五均

樂語有五均

司市

周禮有司

市錢府

即泉府

官司市以四時仲月定物之賈為其

市平

皮命反平定物賈也

民物不售者均官考驗用具本賈以

取之

物賈過平一錢則以平賈賣與民賤減平者聽民自相與市

民欲賒貸者錢

府與之

每月百錢收息三錢

又令民各自占

註見前

其所為

諸取山林

莽假托周禮以害民非直六藝文奸而已宋王安石變法朝臣攻擊紛囂然未聞有援莽禍以相折者何耶

水澤及畜牧桑蠶工匠醫巫卜祝方技商賈皆各自占

縣官除其本計其利十

分之而以其一為貢

敢不自占占不以實者盡沒入所取作縣官一歲作役也

羲和魯匡復奏請榷酒酤莽從之

冬十一月莽罷漢廟及諸為吏者

孫建奏漢氏宗廟不當在長安城中及諸劉當與漢

俱廢請皆罷之莽曰可嘉新公國師

即劉秀

等三十二

人皆知天命勿罷賜姓曰王唯國師以女配莽子故

不賜姓

秀女惜配莽子臨

更號定安太后曰黃皇室主

太后自劉氏廢常稱疾不朝會時年未二十莽欲嫁之乃更號為黃皇室主欲絕之于漢令孫建世子盛飾將醫往問疾太后大怒鞭笞其傍侍御因發病不肯起

十二月露

更作寶貨

莽更作金

黃金也

銀朱提銀龜

元龜尺二寸以下

貝

大貝四寸八分以上

錢布

顏師古曰布亦錢耳謂之布者言其分布流行也

之品名曰寶貨凡五

物金銀銅

六名

錢貨金貨銀貨龜貨貝貨布貨

二十八品

錢六品金一品銀二

品四四品貝五品布十品

百姓憤亂其貨不行莽知之乃但行小

錢直一與大錢五十並行民皆便安漢五銖錢多以

之市買莽乃下令諸挾五銖錢者投諸四裔抵罪者

不可勝數于是農商失業食貨俱廢

其後莽復改錢貨之法頗增損

其賈直而罷大小錢更作貨布泉布二品並行令既數更名用破業而大陷于刑事在天鳳元年

莽將軍甄豐

豐以符命為莽更始將軍

自殺大夫揚雄自投天祿閣

在未央宮中  
下莽遂殺甄尋劉棻丁隆等數百人

莽既以符命自立

甄豐王舜劉秀為莽腹心安漢軍衡之號皆所共謀然非欲令莽居攝也居攝之萌出自劉虔謝囂踈遠希

進者因之並作符命莽遂據以即真後又欲絕其

原以神前事

是時爭為符命封侯其不為者相戲曰獨無天帝除書乎陳崇白莽莽亦厭之

乃使尚書驗治非五威將帥所班皆下獄而甄豐子尋復言之

莽即真之後舜秀內

懼而已豐素剛彊莽頗覺其不悅會豐子尋為京兆大尹復作符命言黃皇室主當為尋妻莽因是發怒

遂收捕尋尋亡豐自殺

未幾王舜亦病悖而死

已捕得尋辭連

劉秀子棻及丁隆

秀門人

等棻嘗從揚雄學作奇字時

揚雄自謂著述而失身任莽名

教掃地其去劉  
秀之類到五經  
姦言倡導者幾  
希真龍勝薛方  
輩之罪人論者  
多方辨雪非與  
於不仁之甚者  
乎

雄方校書天祿閣上使者來欲收之雄恐不能自免  
乃從閣上自投下幾死莽聞之以雄不知情詔勿問  
誅尋棻及隆等死者凡數百人

流棻幽州放尋于三危極隆于羽山皆驛

車載其屍傳致云

初成帝之世雄以奏賦為郎與棻及秀並

列哀帝時又與董賢同官莽篡為三公權傾人主所

薦莫不拔擢而雄三世不徙官及莽篡位稱功德獲

封爵者甚衆雄獨以耆老久次轉為大夫恬于勢利

好古樂道欲以文章成名于後世故作太元

以準易法



言

以象論語

用心于內不求于外人皆忽之惟劉秀及范

逵敬焉而桓譚

字君山沛郡相人

以為絕倫鉅鹿侯芭師事

之然雄自投閣之後時人為之語曰惟寂寞自投閣

爰清靜作符命君子病焉

上元焦贛曰漢書楊雄傳贊謂雄仕莽作符命投閣

年七十一天鳳五年卒考雄至京見成帝年四十餘笑自成帝建始改元至莽天鳳五年計五十有二歲

以五十二合四十餘已將近百年則與所謂年七十者相抵牾矣又考王莽自平帝元始間始號安漢

公而法言稱漢公且云漢興二百一十載自高帝至平帝末蓋其數矣然則雄之終或在平帝末正年七

十餘也世謂班固早卒曹大家傳失其實豈不然哉姑之論如此而寧都魏禮亦引證各書謂雄棄文自

瞻文不虛美人多惡之及卒其怨家取法言多為竇  
蓋至劇秦美新則劉棻作也紫陽綱目特書棻大夫  
揚雄死是舉稽淵馮道所未嘗加者而加之矣據焦  
魏二家之說班史所載幾不足信今考外戚傳元后  
尚棻詔雄作誄雄傳贊雄投閣京師為之語其所載  
甚詳特所云天鳳五年卒年七十一者史文誠不免  
舛特今書雄投閣事仍據  
班史而于其死則闕之

辛始建國  
未三年

### 匈奴諸部分道入塞州郡兵起

莽恃府庫之富欲立威匈奴

先是莽遣五威將帥至匈奴易漢故璽更其印

文曰新匈奴單于章單于解故印綬奉 upper 將軍受著  
新故左帥陳銳知單于必求故印即引莽推壞之明  
日單于果白將帥曰漢諸侯王以下乃言章今去璽  
加新與臣下無別顧得故印將帥以故印示之單于

知已無奈何即遣使入謝然重怨恨于是乃更名匈  
勒兵于朔方塞下受車師降者與同入寇

奴單于曰降奴服于遣孫建等分道並出募卒三十  
萬人先至者屯邊郡須畢具乃同時出窮追匈奴分  
其國土人民以為十五立呼韓邪子孫十五人皆為

單于

莽招諸呼韓邪諸子右犁汗王咸威子登助三  
人至脅拜咸為孝單于助為順單于咸走出塞

傳送登助單于聞之怒曰先單于受漢宣帝恩不可  
至長安

負也今天子非宣帝子孫何以得立遣兵入雲中塞

注見前大殺吏民歷告左右部諸邊王入塞殺太守都

尉略吏民畜產不可勝數是時諸將在邊以大衆未  
集未敢出擊嚴尤諫曰臣聞匈奴為害周秦漢征之  
周得中策漢得下策秦無策焉今天下比年饑饉西  
北邊尤甚大用民力功不可必立臣伏憂之莽不聽  
轉兵穀如故吏士屯邊者所在放縱而內郡愁于徵  
發民棄城郭始流亡為盜賊莽遣中郎繡衣執法分  
督之皆乘便為姦撓亂州郡

北邊自宣帝以來數世不見烟火之警人民熾

盛牛馬滿野及莽撓亂匈奴與之搆難邊民死亡繫獲數年之間北邊虛空野有暴骨矣

勝於元始初即  
乞骸骨可謂見  
幾而作不俟終  
日至莽便要說  
其志終不可奪  
史臣以為卒死  
善道誠非溢詞  
耳

莽迎龔勝為太子師友祭酒勝不食而卒

莽遣使者奉璽書印綬安車駟馬迎龔勝即拜為太  
子師友祭酒勝稱病篤使者要說至以印綬就如勝  
身勝輒推不受謂門人高暉等曰吾受漢家厚恩無  
以報今年老矣旦暮入地誼豈以一身事二姓下見  
故主哉語畢遂不復飲食積十四日死是時清名之士又有瑯琊  
紀道齊薛方沛唐林唐尊皆以明經飭行顯名遼西  
唐皆仕莽封侯莽以安車迎方方謝曰堯舜在上下  
有巢由今明主方隆唐虞之德小臣欲守箕山之節  
莽悅其言不彊致初隄廩郭欽為南郡太守杜陵蔣

謝為宛州刺史亦以廉直為名莽居攝欽謝皆以病免官歸鄉里卧不出戶卒于家沛國陳咸以律令為尚書見何武鮑宣死歎曰易稱見幾而作不復終日吾可以逝矣即乞骸骨去職莽篡位召咸為掌冠大夫咸謝病不肯應三子參豐欽皆在位咸悉令解官歸閉門不出入猶用漢家祖臘人問其故咸曰我先人豈知王氏臘乎又齊栗融北海禽慶蘇章山陽曹竟皆儒生去官不仕于莽

### 瀕河郡蝗生河決

河決魏郡泛清河以東數郡先是莽恐河決為元城

今縣本漢置屬直隸大名府冢墓害及決東去元城不憂水故遂

不隄塞

禹貢錙指王莽時河決魏郡自元城東出館陶東武陽絕漯水而東北至高唐又絕漯水

東北至于乘入海以水經注所載合今輿地言之滑  
縣開州范縣朝城陽穀荏平禹城平原德平樂陵商  
河蒲臺高苑博興利津皆王莽以後大河之所行也  
考黃河自周定王五年後至此乃東徙而禹貢至  
于大陸播為九河以  
下之故道遂絕焉

壬始建國  
申四年

定東西都及諸侯員數

莽下書以洛陽為東都常安

莽改長安曰常安

為西都諸侯

員千八百附城

孺子嬰時當賜關內侯爵者更名附城

數亦如之以俟

有功諸公一同

地方百  
里曰同

有衆萬戶其餘以是為差

以

簿未定未授國邑且令受奉都內月  
錢數千諸侯皆困乏至有傭作者

令民得賣田

莽性躁擾不能無為每有所興造動欲慕古不度時  
宜制度又不定吏緣為姦天下讐讐陷刑者衆莽知  
民愁怨乃令民食王田者皆得賣之然他政諄亂刑  
罰深刻賦斂重數猶如故焉

西南夷殺牂牁

注見前

大尹貉

後漢書高句驪一名貉耳貉與貉同

一人入邊

初五威將帥出西南夷改句町

音胸挺

王

今雲南臨安府古句町國

漢武于此置縣仍封其夷人為王

為侯王邯怨怒莽諷牂牁大尹周



歆詐殺邯邯弟承起兵殺歆州郡攻之不能服莽又

發高句驪

夫餘別種漢武滅朝鮮以高句驪為縣仍封其種人為侯今朝鮮國咸興府是其地

也兵擊匈奴高句驪不欲行彊迫之乃皆亡出塞犯

邊為寇于是東北西南皆亂莽志方盛以四夷不足

憂專念稽古之事

後益州蠻夷亦殺其大尹莽發兵擊之會疾疫死者十六七越嵩蠻

亦畔自立  
為印穀王

莽始建國  
五年春二月太皇太后王氏崩

莽既改號太后為新室文母絕之于漢乃隳壞孝元

莽既篡位漢統  
已絕元后宜書

漢也然莽之篡  
漢皆元后以  
成之則元后實  
漢之罪人綱目  
去漢字義深哉

廟更為太后起廟獨置孝元廟故殿以為文母篋同

也食堂既成名曰長壽宮置酒請太后既至見廟廢

徹塗地驚泣曰此漢家宗廟皆有神靈與羊如切何治

猶言干何事也而壞之且使鬼神無知何用廟為如今有知

我乃人之妃妾豈宜辱帝之堂以陳饋食哉飲酒不

樂而罷莽更漢家黑貂著黃貂又改漢正朔伏臘曰

太后令其官屬黑貂至漢家正臘日獨與其左右相

對飲食至是崩年八十四葬渭陵與元帝合而溝絕

之 如淳曰莫子司馬  
門內用溝絕之

焉耆 西域國治員渠城去  
長安七千三百里 殺莽都護但欽 但姓  
欽名

西域諸國以莽積失恩信焉耆先叛殺欽西域遂瓦

解 後天鳳四年莽遣五威將王駿等並出于西  
域焉耆詐降駿等至伏兵襲殺之西域遂絕

冬十一月彗星出

甲新莽天  
成鳳元年 春三月壬申晦日食

夏四月隕霜殺草木

六月黃霧四塞

秋七月大風雨雹

風拔木飛北闕直城門屋瓦電殺牛羊

莽置萬國

莽以周官王制之文置卒正連率大尹

如太守

屬令屬

長

如都尉

州牧

如三公

分六鄉

長安城旁

六尉

三輔衆縣

六隊

河內河東

弘農河南潁川南陽

又倣古為六服

惟城惟寧惟翰惟屏惟垣九州之外曰惟藩

總

之為萬國後歲復變更一郡至五易名而還復其故

吏民不能紀每下詔書輒繫其故名云

北邊大饑莽與匈奴和親

匈奴烏珠留單于死烏累若鞮單于立

即莽所拜用孝單于咸用

事大臣須卜當

王昭君女伊墨居次云之壻

勸單于與中國和親

會緣邊大饑人相食莽遣使賀單于新立徵還諸將

罷屯兵單于貪莽賂遺外不失漢家故事內實利寇

掠又聞其子登前死

莽前殺順單于登事在始建國四年怨恨寇虜從

左地入不絕

已而莽改內匈奴單于爲恭奴單于單于貪金幣曲聽之然寇盜如故

乙天鳳

春二月中星見民訛言黃龍死

民訛言黃龍隳死黃山宮

在西安府興平縣

中走觀者萬數

莽惡之

師古曰莽自謂黃德故有此妖

捕繫問所從起不能得

五原代郡兵起

莽以制定則天下自平故銳思于地理制禮作樂講

合六經之說公卿旦入暮出論議連年不決不暇省

獄訟冤結民之急務縣宰缺者數年守兼

師古曰不拜正官權

今人守兼一切貪殘日甚繡衣執法在郡國者並乘權勢

傳

知惡反

相舉奏又十一公士

漢公府各有掾屬莽置十一公故掾曰士分

布勸農桑班時令按諸章斯時冠蓋相望郡縣賦歛  
遞相賕賂白黑紛然莽自見前顓權以得漢政故務  
自攬衆事又好變改制度政令煩多前後相乘憤眊不  
潔猶清也莽常御燈火至明猶不能勝尚書因是為姦

寢事上書待報者連年不得去拘繫郡縣者逢赦而  
後出衛卒不交代者至三歲穀糴常貴邊兵二十餘  
萬人仰衣食縣官五原代郡尤被其毒起為盜賊數  
千人為輦轉入旁郡莽遣兵與郡縣擊歲餘乃定

邯鄲以北大雨

水深者數丈流殺數千人

乙天鳳  
三年春二月地震大雨雪

雪深一丈竹柏為枯

夏五月莽始賦吏祿

先是莽以制作未定上自公卿下至小吏皆不得俸

祿至是始賦吏祿

凡十五等僚祿一歲六十六斛  
稍以差增至四輔而為萬斛又

曰古者歲穰則充其禮災害則有所損上計

奉上戶  
口錢穀



之數若今計帳也

時通計天下幸無災害者大官膳羞備品

即有災害以什率多少而損膳焉

以什為率視災害所減多少而制分

數

公卿以下各分州郡國邑保其災害亦以什率多

少而損其祿中都官吏

謂京師諸官府也

食祿者以大官膳

羞備損為節莽制度煩碎如此課計不可理吏終不

得祿各因官職為姦受取賕賂以自共給焉

長平岸

即長平坂注見前

崩壅涇水莽發兵擊匈奴

莽羣臣以岸崩上壽曰河圖所謂以土填水匈奴滅

亡之祥也莽乃遣將擊匈奴至邊上屯

秋七月戊子晦日食

丁天鳳  
夏六月莽授諸侯茅土

古者天子大社以五色土為壇凡封諸侯鑿土

如其方之色苞以黃土苴以白茅

于明堂

莽好空言慕古法多封爵人性實吝嗇託以地理未

定故且先賦菁茅

蔡沈尚書集傳管子云江淮之間一茅而三脊是為菁茅四色

之土

顏師古曰土有五色此云四色者中央之土不以封也

用慰喜封者

臨淮

漢郡治徐故城在今江南泗州

琅邪

注見前

及荊州綠林兵起

是時莽更設立六筭

鹽一酒二鐵三名山大澤  
四五均賒貸五銅冶六

之令

用富賈督之

乘傳求利交錯天下因  
與郡縣通姦百姓愈病

復下詔每一筭

申明科禁犯者罪至死民揺手觸禁不得耕桑繇役

煩劇旱蝗相仍富者不能自別貧者無以自存于是

並起為盜賊吏不能禽而覆蔽之浸淫日廣臨淮瓜

田儀

姓瓜田  
名儀

等依阻會稽

漢郡治吳今江南  
蕪州府吳縣是

長州

即今

長洲縣與吳縣  
俱為蕪州府治

琅邪呂母聚黨數千人入海中為盜

其衆浸多至萬數

初呂母子為海曲宰寬殺母散家  
財陰厚貧窮少年得百餘人遂攻

殺率以蔡子基引兵入海海曲漢荊州饑饉民衆

入野澤掘鳧茈

爾雅茈鳧茈註鳧茈生下田苗此龍須而細根如指黑色可食而食

之更相侵奪新市

後漢侯國故城在今湖北安陸府京山縣人王匡王鳳

為平理諍訟遂推為渠帥衆數百人于是諸亡命者

馬武

字子張南陽湖陽人

王常

字顯卿潁川舞陽人

及成丹等皆往從之

藏於綠林山中數月間至七八千人又南陽張霸江

夏

漢郡治西陵故城在今湖北黃州府黃岡縣

羊牧俱起衆皆萬人

莽遣使者

即赦盜賊還言盜賊復合問其故皆曰愁法禁煩苛不得舉手力作所得不足以給貢稅閉門自守又坐

鄰伍鑄錢挾銅姦吏因以愁民民窮悉起為盜賊芥  
大愁危之或言民縣黠當誅及言時運適然且減不  
久芥悅  
輒遷官

戊天鳳  
寅五年  
春芥考吏致富者收其財以給軍

吏以不得俸祿並為姦利郡尹縣宰家累千金芥乃  
考諸軍吏及緣邊吏增產致富者收其家財產五分  
之四以助邊急開吏告其將奴婢告其主冀以禁姦  
而姦愈甚

琅邪樊崇東海刁

漢書  
作力

子都

刁出齊  
之後

等兵起

琅邪樊崇起兵于莒

注見前

衆百餘人羣盜以崇勇猛

咸附之一歲間至萬餘人崇同郡人逢

薄紅切

安東海

人徐宣謝祿楊音各起兵合數萬人從崇轉掠青徐

間又有東海刁子都亦發兵鈔擊徐兗莽遣使者發

兵擊之不能克

是時關東饑旱連年刁子都等黨衆寢多至六七萬

已天鳳  
卯六年

春莽下書六歲一改元

莽見盜賊多乃令太史推三萬六千歲歷紀六歲一

改元下書布天下自言當如黃帝升天欲以誑耀百

姓銷解盜賊人皆笑之

明年改元地皇從三萬六千歲歷號也

大募兵擊匈奴

匈奴寇邊益甚

烏累單于死弟左賢王與立為呼都尸道車若鞮單于莽誘致須卜當至

長安立為須卜單于匈奴怒入北邊為寇

莽大募天下丁男及死罪囚吏

民奴

名曰豬突稀勇

以為銳卒一切稅天下吏民訾

與貲同

三

十取一令公卿以下至郡縣黃綬

百官表比二百石以上黃綬

皆

保養軍馬多少以秩為差又博募有奇術可以攻匈

奴者

或言能渡水不用舟楫連馬接騎濟百萬師或言不持斗糧服食藥物三軍不飢或言能飛一

日千里可窺匈奴

莽雖知其不可用苟欲獲其名皆拜為理

軍賜以車馬待發嚴尤諫曰匈奴可且後先憂山東

莽大怒策免尤

是歲夙夜連卒韓博進長人巨毋霸霸出蓬萊海瀕長丈大十圍卧則枕

博以莽濠奇術因進長人其志不過希指為悅而已莽特善之乃以姓氏之嫌誅博非博孫科所

及史家謂博意在諷莽非曲說而何

鼓以鐵箸食輜車不能載三馬不能勝博以大車四馬建虎旗載之詣闕意欲以諷莽莽字巨君言毋得篡盜而霸也莽惡之留霸新豐而徵博葉市更霸姓曰巨毋氏謂因文毋太后而霸王符云

東萊不夜莽更名故城在今山東登州府文登縣

庚新莽地辰皇元年

秋七月大風毀莽王路堂

莽改未央宮前殿曰王路堂服虔曰

如言路寢也



九月大兩六十餘日

鉅鹿男子馮適求等謀誅莽不克死

適求等謀舉燕趙兵誅莽事覺逮治黨與連及郡國  
豪傑死者數千人

收鄧惲

字君章汝南西平人繫獄

莽篡據已踰十載惲乃上書欲其復還臣位豈特說不能行亦失徘徊觀望矣適其時郡國兵

惲明天文歷數以漢必再受命乃上書說莽曰臣聞  
智者順以成德愚者逆以取害神器有命不可虛獲  
上天垂戒欲悟陛下今就臣位轉禍為福劉氏永享

起華心內不自  
安又因經識之  
言奪其所恃憚  
之幸免亦幾希  
耳然以視文飾  
符命紀頌功德  
者則所謂鐵中  
錚錚者矣

天命陛下順節盛衰取之以天還之以天可謂知命

矣莽大怒即收繫詔獄會赦得出

時卜者王況謂李  
焉曰漢家當復興

為焉作識書合十餘  
萬言事覺莽殺之

辛地皇  
己二年春正月莽妻死子臨謀殺莽事覺自殺

初莽妻以莽數殺其子

莽殺子字事見前又先在侯  
國時以中子獲殺奴令自殺

涕泣失明莽令太子臨居中養焉莽妻傍侍者原碧

莽幸之臨亦通焉恐事泄遂謀共殺莽會莽妻病死

事覺收原碧考問具服莽欲秘之殺案事使者賜臨

藥臨不肯飲自刺死

臨妻惜亦自殺

秋隕霜殺菽闕東大饑蝗

莽毀漢高廟

莽惡高廟神靈遣虎賁武士入廟四面提擊斧壞戶牖桃湯赭鞭灑屋壁令輕車校尉居其中

南郡秦豐兵起

豐聚衆萬人平原女子遲昭平

遲氏商賈人遲任之後

亦聚數

千人在河阻中莽問羣臣禽賊方略皆曰此天囚行

易曰樞機之發  
榮辱之主公孫  
祿身為漢臣乃  
因莽召問就徵  
與議非以漢臣  
盡忠於莽乎論  
者但責其失出  
處語默之道猶  
膚見耳

尸命在漏刻故左將軍公孫祿徵來與議祿曰太史

令宗宣

宗氏晉伯宗之後  
伯宗出於宋桓公

以凶為吉紊亂天文太傅

唐尊飾虛偽以喻名位

尊以國虛民貧答在奢泰乃  
身短衣小裘乘牝馬柴車藉

象以瓦器飲食莽說  
之封尊為平化侯

國師劉秀顛例五經毀師法張

邯鄲陽造井田使民棄土業魯匡設六莞以窮工商

崔發阿諛取容令下情不上通宜誅此數子以慰天

下又言匈奴不可攻當與和親恐新室憂不在匈奴

而在封域之中也莽怒使虎賁扶祿出

莽以田況為青徐二州牧既而罷之

況素果敢發民年十八以上四萬餘人授與庫兵與  
刻石為約樊崇等聞之不敢入界後況自請出界擊  
賊所嚮皆破莽令況領青徐二州牧事時莽多出將  
帥遣使者傳相監趣郡縣苦之反甚于賊況因上言  
請盡徵還乘傳諸使者以休息郡縣委任臣況以二  
州盜賊必平定之莽畏惡況遣使者賜况璽書因令  
代監其兵遣況西詣長安況去齊地遂敗

壬地皇  
年三年 關東人相食

夏莽遣太師王匡將軍廉丹擊赤眉樊崇匡敗走丹死  
是時赤眉樊崇等衆既寢盛乃相與為約殺人者死  
傷人者償創及聞太師王匡更始將軍廉丹討之恐  
其衆與莽兵亂乃皆朱其眉以相識別由是號曰赤  
眉匡丹合將銳士十餘萬人所過放縱東方為之語  
曰寧逢赤眉不逢太師太師尚可更始殺我時赤眉  
別校董憲

東海人

等衆數萬人在梁郡匡丹引兵進戰

馮衍詞嚴義正  
使丹從其言去  
逆效順未嘗不  
可與馮異參彭  
諸人共助勦乃  
甘心盡節賊莽  
膏赤眉之鋒而  
不悟亦愚矣哉

兵敗匡走丹戰死

先是莽以書讓丹丹召其掾馮衍示之衍曰海內懷漢德甚于詩人

思召公人所鼓舞天必從之為將軍計莫若屯據大郡鎮撫吏士與社稷之利除萬人之害俾功烈著于

時而不滅丹不聽馮衍字敬通奉世曾孫

綠林兵分為下江新市兵荊州平林

漢鄉名晉置縣唐省故城在今湖北

德安府隨州 兵起應之

先是莽荊州牧討綠林王匡等迎擊大破牧軍遂攻

拔竟陵

漢縣今改京山屬湖北安陸府

安陸

漢縣今為德安府治

多畧婦女還

入綠林中至五萬餘口會疾疫死者大半乃各分散

王常等西入南郡號下江兵王匡等北入南陽號新

市兵皆自稱將軍匡等進攻隨

即今隨州

平林人陳牧廖

湛聚衆千餘人號平林兵以應之

莽遣納言大將軍嚴尤秩宗大將軍

陳茂擊破下江兵成丹等收散卒復戰大破之

流民數十萬入關

莽置養贍官稟食之使者監領與小吏共盜其稟餼

死者什七八

漢宗室劉續及弟秀起兵春陵

漢侯國後漢改章陵縣故城在今湖北襄陽府



豫陽

興復帝室

光武事  
始此

初長沙定王發

景帝子母唐姬所出微  
無寵故王卑濕貧國

生春陵節侯

買

顏師古曰漢紀言元朔五年以零陵冷道之春陵  
鄉封長沙王子買為春陵侯至考侯仁以春陵下

濕上書請徙南陽元帝許之以  
蔡陽之白水鄉徙仁為春陵侯

買生鬱林

注見

太守

外外生鉅鹿都尉回

後漢書城陽王傳節侯買子戴  
侯熊渠熊渠子孝侯仁徙封南

陽遂與從弟回  
及宗族徙家焉

回生南頓

注亦  
見前

令欽欽娶湖陽

漢縣  
故城

在今南陽  
府唐縣

樊重女生三男續

字伯

仲秀

字文

續性剛

毅慷慨有大節常憤憤懷復社稷之慮傾身破產交

結天下雄俊秀美須眉隆準日角嘗受尚書長安畧

通大義性勤稼穡續常非笑之比于高祖兄仲

仲事見前

秀嘗過穰

注見前

蔡少公少公頗學圖讖言劉秀當為

天子或曰是國師公劉秀乎秀戲曰何縣知非僕耶

坐者大笑宛人李守好識記常謂其子通

字次元

曰劉

氏當興李氏為輔及新市平林兵起南陽騷動通從

弟軼

字季文

謂通曰今四方擾亂漢當復興南陽宗室

獨劉伯升兄弟汎愛容衆可與謀大事通笑曰吾意

也會秀賣穀于宛通遣軼迎秀與約結定謀使歸春  
陵舉兵相應于是續召諸豪傑計議曰王莽暴虐百  
姓分崩今枯旱連年兵革並起此亦天亡之時復高  
祖之業定萬世之秋也衆皆然之乃分遣親客于諸  
縣起兵續自發春陵子弟子弟懼皆亡匿曰伯升殺  
我及見秀絳衣大冠皆驚曰謹厚者亦復為之乃稍  
自安凡得七八千人部署賓客自稱柱天都部秀時  
年二十八

李通未發事覺守  
及家屬皆坐死

續招說新市平林兵與

其帥王鳳陳牧西擊長聚

秀初騎牛殺新野尉乃得馬

進屠唐子

鄉

在唐縣以唐子山名

又殺湖陽尉進拔棘陽

漢縣故城在今南陽府新野縣

李軼鄧晨

新野人字休卿

皆將賓客來會既而漢兵與莽守

將甄阜梁邱賜戰不利

續欲攻宛至小長安與阜賜戰兵敗新市平林兵皆欲解

去今南陽府南陽縣

會下江兵五千餘人至宜秋

聚名在唐

縣續與秀造其壁見王常說以合縱之利常悟為餘

將言之皆曰大丈夫既起當各自為主何故受人制

乎常曉之曰王莽苛酷失百姓心民之謳吟思漢非

一日也民所怨者天所去民所思者天所與今南陽  
諸劉舉宗起兵觀其來議者皆有深計大慮王公之  
才與之并合必成大功諸將乃曰無王將軍吾屬幾  
陷于不義即引軍與漢軍及新市平林合自是諸部  
齊心銳氣益壯續大饗軍士休卒三日十二月晦潛  
師夜起襲取藍鄉在新野縣盡獲阜陽輜重明年春正月  
攻阜陽誅之又破莽將嚴尤陳茂于滎陽亦曰育陽漢縣故城  
在今南陽縣遂圍宛先是青徐賊衆雖數萬人訖無文書號令旌旗部曲及漢兵起皆稱將軍

攻城畧地移書稱  
說莽聞之始懼

冬十一月有星孛于張

張六星在天  
廟北為周分

癸漢淮陽王元更始元年  
更始雖立綱目以不成君  
未例仍用分注紀年今依之  
又綱目于更始元年以上

書曰漢帝元通鑑則書淮陽  
王以光武所封也今依通鑑  
春二月新市平林諸將共

立更始將軍劉元為皇帝大赦改元

春陵戴侯曾孫元

字聖公

在平林兵中號更始將軍時

漢兵已十餘萬諸將議以兵多而無所統一欲立劉

氏以從人望南陽豪傑等皆欲立續而新市平林將

帥憚續威明貪元懦弱先共定策立之

諸將召續示其議續曰諸

將軍欲尊立宗室甚厚然今赤眉起青徐關南陽立宗室赤眉復有所立莽未滅而宗室相攻是疑天下而自損權非所以破莽也不如且稱王以號令若赤眉所立者賢相率而往從之若無所立破莽降赤眉然後舉尊號亦未晚也諸將多曰善張卬拔劍擊地曰疑事無功今日之議不待有二衆從之二月

朔設壇場于清水

俗曰白河源出嵩縣雙雞嶺東逕南召南陽新野至湖北襄陽入于

漢

上元即皇帝位

南面立朝羣臣羞愧流汗舉手不能言

大赦改元以

續為大司徒秀為太常偏將軍由是豪傑失望

三月秀徇

下昆陽定陵鄧五月續拔宛更始入都之昆陽故城在今南陽府葉縣定陵故城在許州鄧城縣鄧即

城郎

夏六月劉秀大破莽兵于昆陽下誅王尋

莽聞更始立大懼

漢兵言莽醢殺平帝莽乃會公卿以下開所為平帝請命金滕之策

泣以示羣臣

乃遣其司徒王尋司空王邑大發州郡兵徵

諸明兵法六十三家以備軍吏以長人巨毋霸為壘

尉

中壘校尉

又驅諸猛獸虎豹犀象之屬以助威武邑至

洛陽州郡兵會者四十二萬人號百餘萬旌旗輜重

千里不絕五月出潁川與嚴尤陳茂合諸將見兵盛



皆反走入昆陽惶怖欲散歸諸城劉秀曰今兵穀既少而外寇彊大并力禦之功庶可立如欲分散勢無俱全今不同心膽共舉功名反欲守妻子財物邪諸將怒會候騎還言大兵且至城下諸將迫急秀復為圖畫成敗乃皆曰諾時城中唯八九千人秀使王鳳王常守昆陽夜與李軼等十三騎出城南門于外收兵

初秀常為舂陵家訟逋租于嚴尤尤見而奇之及是城中出降尤者言秀不取財物但會兵計策尤

笑曰是美須眉者耶何為乃若是

尋邑縱兵圍昆陽鉦鼓之聲聞數

十里或為地道衝輜撞城

衝陷陣車輜有樓車以之撞城

積弩亂發

矢下如雨城中負戶而汲鳳等乞降不許尋邑自以

功在漏刻不以軍事為憂秀至郾定陵悉發諸營兵

諸將貪惜財物欲分兵守之秀曰今若破敵珍寶萬

倍大功可成如為所敗首領無餘何財物之有乃悉

發之秀自將步騎千餘為前鋒去大軍四五里而陳

尋邑遣兵數千合戰秀犇之斬首數十級諸將喜曰

劉將軍平生見小敵怯今見大敵勇甚可怪也且復

以什不及一之  
兵遂先鼓勇將  
士無不一以當  
百非獨帝有  
真亦因兵以

居前請助將軍秀復進尋邑兵却諸部共乘之斬首  
數百千級連勝遂前諸將膽氣益壯無不一當百秀  
乃與敢死者三千人從城西水上衝其中堅尋邑陳  
亂漢兵乘銳奔之遂殺尋城中亦鼓譟而出中外合  
勢震呼動天地莽兵大潰走者相騰踐伏尸百餘里  
會大雷風屋瓦皆飛雨下如注涇川出魯山縣大吳  
嶺東逕紫縣界  
陽至襄盛溢虎豹皆股戰士卒溺死以萬數水為不  
城入汝流邑尤茂輕騎乘死人渡水逃去盡獲其軍實  
輜重不可勝算舉之連月不盡或燔燒其餘

于是

海內豪傑翕然響應皆殺其牧守自稱將軍用漢年號以待詔命旬月之間徧于天下

劉秀徇潁川馮異

字公孫潁川父城人

以五縣降

秀徇潁川屯兵巾車鄉

在今河南汝州寶豐縣

郡掾馮異監五

縣為漢兵所獲異曰異有老母在父城

即今寶豐縣

願歸

據五城以報德秀許之異歸

謂父城長苗萌曰諸將多暴橫獨劉將軍所到

不虜畧觀其言語舉止非庸人也

遂與苗萌率五縣以降

更始殺大司徒續以劉秀為破虜大將軍

綱目于更始綱特書名目

仍書年號今以綱  
從目皆書更始

新市平林諸將以續兄弟威名益盛陰勸更始除之  
續部將劉稷勇冠三軍聞更始立怒曰本起兵圖大  
事者伯升兄弟也今更始何為者邪以為將軍又不  
肯拜更始乃陳兵收稷將誅之續固爭李軼朱鮪因  
勸更始并殺續秀自父城馳詣宛謝司徒官屬迎弔  
秀秀不與交私語惟深引過而已未嘗自伐昆陽之  
功又不敢為續服喪飲食言笑如平常更始以是慙

拜秀為破虜大將軍封武信侯

莽將軍王涉國師劉秀自殺

道士西門君惠謂涉曰讖文劉氏當復興國師公姓

名是也涉遂與秀謀劫莽降漢謀泄皆自殺

莽以軍師外破

大臣內畔左右亡所信憂遯不能食但飲酒  
啗鰕魚讀軍書倦因馮几寐不復就枕矣

成紀

注見前

隗囂

隗氏出于赤狄囂字季孟

起兵應漢

成紀隗崔隗義同起兵以應漢崔兄子囂素有名好

經書共推為上將軍囂聘平陵

昭帝平陵因以為縣故城在咸陽

方望

以為軍師望說置立廟祀高祖太宗世宗稱臣執事

殺馬同盟移檄郡國數莽罪惡

檄言莽酖殺孝平皇帝暴奪其位矯託天

命偽作符書欺惑眾庶震怒上帝楚越之竹不足

以書其惡因數莽逆天逆地逆人之大罪勒兵

十萬擊殺莽雍州牧安定大尹分遣諸將徇隴西武

都金城武威張掖酒泉敦煌

注俱見前

皆下之

公孫述

字子陽扶風茂陵人

起兵成都

初述為清水

今縣本漢置屬甘肅秦州

長有能名遷漢江

莽改蜀郡曰漢

江郡卒正治臨邛

漢縣今四川邛州是

南陽宗成等起兵徇漢中

公孫述所見顧  
大逆雖詐而不  
詭於正使能早  
知天命所歸傾  
心光武不愧雲  
臺諸將乃以竊  
據為志妄自尊  
大故不免井蛙  
之誚耳

以應漢衆數萬人述遣使迎之成等至成都虜掠暴  
橫述謂郡中豪傑曰天下同苦新室思劉氏久矣故  
聞漢將軍到馳迎道路今百姓無辜而婦子係獲此  
寇賊非義兵也乃詐為漢使者拜述將軍兼益州牧  
擊成殺之而并其衆

劉望

長沙頃王  
駙駒之後

稱帝于汝南

漢郡治平輿  
平輿注見前

更始遣兵擊

殺之誅嚴尤陳茂

故鍾武

故城在汝寧  
府信陽州

侯劉望起兵汝南遂自立為天



子嚴尤陳茂自昆陽戰敗後往歸之

望以尤為大司馬茂為丞相

更始遣將軍劉信擊殺望并誅尤茂

遣上公王匡攻洛陽大將軍申屠建攻武關九月建入

長安孝平皇后自焚崩眾共誅莽傳首詣宛

更始遣王匡攻洛陽申屠建李松攻武關三輔震動

析漢縣故城在今南陽府內鄉縣

人鄧睦于匡起兵應漢莽憂不知

所出

乃率羣臣至南郊陳符命本末仰天大哭氣盡伏而叩頭諸生小民旦夕會哭

拜將軍

九人

皆以虎為號

將精兵數萬以東

時省中黃金尚六十餘萬斤他財物稱是

莽賜九虎士  
人四千錢

衆無鬪意至華陰回谿

亦曰回阮在河南府永寧縣

拒隘自守匡暱擊之敗走暱南出關鄉

今縣本漢置屬河南陝州

開武關迎漢兵以弘農掾王憲為校尉將數百人北

渡渭至瀕陽

注見前

所過迎降諸縣大姓各起兵稱漢

將率衆隨憲李松等引軍至華陰而長安旁兵四會

城下爭欲先入城

莽赦囚徒授兵使史譖將之度渭橋皆散走衆兵發掘莽妻子父祖

冢燒其棺槨及九廟

明堂辟雍火照城中九月朔兵入明日城中少年燒

作室門

工徒出入之門蓋未央宮之便門也

火及掖庭黃皇室主曰何

面目以見漢家自投火中死莽避火宣室前殿火輒

隨之莽旋席隨斗柄

初莽鑄威斗以五石銅為之若北斗欲以厭勝衆兵司命負之

出在前而坐曰天生德于予漢兵其如予何又明日

羣臣扶莽之漸臺

此未央宮漸臺在滄池中建章漸臺在太液池中程大昌曰凡臺之

環浸于水者皆云漸臺

衆兵上臺商人杜吳殺莽校尉公賓就

公賓氏出魯大夫公賓庚之後就名也

斬莽首軍人分莽身節解臠分

之就持詣王憲憲自稱漢大將軍城中兵數十萬皆

屬焉居二日李松等入長安趙萌申屠建亦至

以王憲得

璽綬不上多執宮女  
建天子鼓旗收斬之  
傳莽首詣宛縣于市百姓共提  
擊之或切食其舌

史臣曰王莽始起外戚折節力行以要名譽及居位  
輔政勤勞國家豈所謂色取仁而行違者耶至竊位  
南面顛覆之勢險于桀紂而莽晏然自以黃虞復出  
乃始恣睢奮其威詐毒流諸夏亂延蠻貊四海囂然  
遠近俱發城池不守肢體分裂自書傳所載亂臣賊  
子考其禍敗未有如莽之甚也昔秦燔詩書以立私  
議莽誦六藝以文姦言同歸殊途  
俱用滅亡皆聖王之驅除云爾

冬十月更始北都洛

王匡拔洛陽

誅莽守將  
王匡哀章

更始將都之以劉秀行司隸

校尉使前修宮府秀乃置僚屬作文移從事司察一

如舊章時三輔吏士東迎更始見諸將過皆冠幘

劉昭

曰秦作絳袖為武將首飾漢加其顏題名而服婦人之曰幘貴賤皆服之文者長耳武者短耳

衣諸子

衽衣也

繡驅

其物反半臂也

莫不笑之及見司隸僚屬

皆歡喜不自勝老吏或垂涕曰不圖今日復見漢官

威儀由是識者皆屬心焉更始遂北都洛

樊崇降漢既而逃歸

更始遣使降赤眉樊崇等聞漢室復興留其兵自將

渠帥二十餘人隨使者至洛陽皆封為列侯未有國邑

而留眾稍離畔乃復亡歸

分其眾為二部崇與逢安為一部徐宣謝祿楊音為

一部崇安援長社擊殺宛令宣祿等亦援陽翟擊殺河南太守長社漢縣故城在今河南許州

莽廬江

注見前

連率李憲

穎川許昌人

自稱淮南王

莽末江賊王州公等起眾十餘萬攻掠郡縣莽以憲

為偏將軍廬江連率擊破之莽既誅憲遂據郡自稱

淮南王

封劉永為梁王

永故梁王立之子

立和平帝時坐與帝外家衛氏交通為莽所殺

孝王八世

孫也首詣洛陽更始紹封為梁王

都睢陽

後永見更始

政亂舉兵攻下濟陰山陽等郡

凡得二十八城

又拜賊帥西

防

故城在今山東曹州府單縣

佼彊

佼姓彊名

東海董憲

時起兵據本郡

琅邪

張步

字文公不其人漢兵起步亦聚眾數千自為五威將軍遂據本郡

皆為將軍與

之連兵遂專據東方

以劉秀行大司馬事遣徇河北

更始欲令大將徇河北大司徒賜

更始從兄字子琴

言諸家

鄧禹進說極似  
韓信登壇之對  
不過數言而成  
敗之勢了然其  
識有大過人者  
所云延攬英雄

子獨有文叔可用朱鮪等以為不可賜深勸之乃以

秀行大司馬事持節北渡河鎮慰州郡秀所過考察

官吏黜陟能否平遣囚徒除莽苛政復漢官名吏民

喜悅爭持牛酒迎勞秀皆不受南陽鄧禹

字仲華  
新野人杖

策追秀及于鄴秀曰我得專封拜生遠來寧欲仕乎

禹曰不願也秀曰即如是欲何為禹曰但願明公威

德加于四海禹得效其尺寸垂功名于竹帛耳秀笑

因留宿問

猶私也

語禹進說曰今山東未安赤眉之屬



務悅民心雖草  
莽要語然帝王  
治世之道誠不  
外人安民而  
己

光武當時迹隱  
痛時馮異幸曲  
寬譬其忠欺萬  
於諸將所云人

動以萬數更始常才不自聽斷諸將皆庸人屈

求勿反

起志在財帛非有深慮遠圖欲尊主安民者也明公  
素有盛德大功為天下所嚮服為今之計莫如延攬  
英雄務悅民心立高祖之業救萬民之命天下不足  
定也秀大悅因令禹常宿止于中與定計議每任使  
諸將多訪於禹皆當其才初秀自兄續之死每獨居  
輒不御酒肉枕席有涕泣處主簿馮異獨叩頭寬譬  
秀止之曰卿勿妄言至是異進說曰更始政亂百姓

久飢渴易為充  
飽尤合子與氏  
論政之義光武  
親信之與鄧禹  
等有以哉

無依人久饑渴易為充飽宜分遣官屬循行郡縣宣

布惠澤秀納之

騎都尉耿純謁秀于邯鄲退見官屬將兵法度不與他將同遂自結納獻

馮及繅帛耿純字伯山鉅鹿來子人

以劉賜為丞相令入關修宗廟宮室

冬十二月王郎

一日王昌邯鄲人

稱帝于邯鄲

故趙繆王

名元景帝七世孫

子林言于大司馬秀曰赤眉今

在河東決河水灌之百萬之衆可使為魚秀不答去

之真定

注見前

林于是以卜者王郎為成帝子子與

初王

莽時有自稱為成帝子者莽殺之郎祿是詐  
稱與子與林素任俠于趙魏間與郎親善遂信之與

趙國大豪李育張參等入邯鄲立郎為天子

林為丞相育為

大司馬參為大將軍

徇下幽冀移檄州郡

檄言聖公未死且持帝號翟義不死詣行

在于是趙國以北遼東以西望風響應

甲更始申二年

春正月大司馬秀北徇薊

今順天府大興縣

以耿弇

字伯

昭扶風茂陵人

為長史

秀以王郎新盛乃北徇薊時耿况

字俠游

為上谷大守

初更始分遣使者徇郡國曰先降者復爵位至上谷况上印綬使者納之一宿無還意功曹寇恂勸兵入

責使者首墜大信召況至進取印綬帶況後者不得已承制詔之冠氏蘇念生為周司冠其後以官為

氏恂字子翼遣其子弇詣長安弇時年二十一至宋子漢縣故城

上谷昌平人在今直隸趙州會王郎起弇聞大司馬在廬奴注見前乃馳北

上謁秀留署長史與俱北至薊令功曹王霸字元伯潁川潁陽人

至市中募人擊王郎市人皆大笑以手邪揄音耶

之霸慚懷而退秀將南歸弇曰今兵從南方來不可

南行漁陽太守彭寵公邑人彭寵字伯通宛人與鄉人吳漢共亡命漁陽更

始立韓鴻伯北州承制拜寵行漁陽太守事以漢為安樂令吳漢字子顏宛人漁陽注見前安樂漢縣

故城在今順天府密雲縣

上谷太守即弇父也發此兩郡控弦萬

騎邯鄲不足慮也秀官屬皆曰死尚南首奈何北行入囊中秀指弇曰是我北道主人也

二月更始遷都長安

三輔既平申屠建李松迎更始遷都長安

時長安惟未央宮被

焚其餘宮室供帳太倉武庫官府市里不改于舊

更始既至居長樂宮升前

殿即更以次列庭中更始羞忤首刮

猶摩也

席不敢

視

諸將後至者更始問虜掠得幾何左右侍官皆宮省久吏驚愕相視

李松趙萌請悉

次定曰

御批歷代通鑑輯覽

聖

王諸功臣朱鮪不可更始乃先封諸宗室然後立諸

功臣皆為王以鮪為左大司馬

鮪封膠東王辭不受

與李軼等

軼封舞陰王

鎮撫關東李松為丞相趙萌為右大司馬共

秉內政

更始姊趙萌女為夫人故委政于萌日夜飲讌後庭羣臣欲言事輒醉不能見時不得已

乃令侍中坐帷內與語萌專權自恣羣小瞻夫皆濫受官爵長安為之語曰竈下養中郎將爛羊胃騎都

尉爛羊頭關內侯諸將在外者皆專行誅賞各置牧守州郡交錯不知所從由是關中離心四海怨畔

薊城反應王郎大司馬秀走信都

注見前

和我

一作和成王莽分鉅

鹿郡置發兵擊邯鄲

故廣陽王

名嘉武帝五世孫廣陽國治薊

子接起兵薊中以應郎城

內擾亂于是秀趣駕出城晨夜舍

猶止也

食道傍不敢

入城邑至蕪蔦亭

在今直隸深州饒陽縣東北俗曰蕪蔦社

時天寒烈馮

異上豆粥

明旦秀謂諸將曰昨得公孫豆粥飢寒俱解

至饒陽

今縣本漢置

官

屬皆乏食

秀自稱邯鄲使者入傳舍吏方進食從者飢爭奪之傳吏疑其偽乃椎鼓數十通始

言邯鄲將軍至從者皆失色秀升車欲馳既而懼不免徐還坐曰請邯鄲將軍入久乃駕去

晨夜

兼行蒙犯霜雪面皆破裂至噓

一作漳

沱河

源出山西代州繁峙

縣泰戲山由忻州平定還直隸之正定保定河間天津之境其下流亦曰子牙河

候吏還白

王霸視渰沱還  
詭稱水堅可渡

水渰也

無船不可以濟秀使王霸往視之霸恐

足以安衆心而  
集大事實有應

驚衆還即詭曰水堅可渡遂前至河河水適合乃渡

變之才及時追  
騎將迫有進無

今縣本漢置屬直隸冀州

遇大風雨入

退使既至河渰  
流漸如故亦惟

道傍空舍馮異抱薪鄧禹藝火秀對竈燎衣馮異復

有鼓勇而前亂  
流以濟耳必無

漢縣故城在今深州

惶惑不知所之有白衣老

畏難束手坐待  
困阨之理河水

人指曰努力信都為長安城守去此八十里秀即馳

適合初非霸所  
逆料雖曰天意

赴之時郡國皆已降王郎獨信都太守任光

字伯卿南陽宛

亦人定者實能  
勝之也

人和戎太守邳彤

風俗通奚仲為夏車正封于邳其後以為氏彤字偉君信都人

不



肯從光以孤城獨守恐不能全聞秀至大喜開門迎  
謁吏民皆呼萬歲邳彤亦自和戎來會議者多言可  
因信都兵自送西還長安邳彤以為不可

彤曰吏民  
歌吟思漢

父吳王郎假名因勢驅集烏合之衆非有根本之固  
明公奮二郡之兵以討之何患不克今釋此而歸豈  
徒空失河北必更驚動三輔墮損威重非計之得者  
也且明公無征伐之意則雖信都之兵猶難會也何  
者明公既西則邯鄲勢成民不肯捐父母  
背成主千里而從公其離散亡逃可必也秀乃止秀

以二郡兵弱光乃發傍縣得精兵四千人秀拜光彤  
大將軍將兵以從光多作檄文曰大司馬劉公將城

頭子路刁子都兵百萬衆從東方來擊諸反虜

城頭子路者東

平人爰曹字子路起兵盧城頭因號焉衆至二十餘萬刁子都即前起兵東海者也秀先欲依此二人先

故假以爲檄

吏民得檄轉相告語劉植

字伯先鉅鹿昌城人

耿純各

率其宗親子弟迎秀衆稍合至數萬人北擊中山

漢國

今直隸定州

拔盧奴所過發奔命兵移檄邊部共擊邯鄲

郡縣復響應

時真定王陽起兵附王郎衆十餘萬秀遣劉植說降楊因納楊甥郭氏爲夫人

以結之

真定王楊漢書作陽武帝封常山憲王

南

擊元氏

今縣本漢置屬直隸正定府

房子

漢縣故城在今直隸趙州高邑縣

皆下

因入趙界時王郎大將李育屯栢人

注見前

進戰大破

之育還保城攻之不下于是引兵拔廣阿

漢縣故城在今趙州

隆平縣

延岑

字叔牙南陽人

據漢中漢中王嘉

春陵考侯仁之孫字孝孫更始封為王

擊

降之

岑起武當

漢縣以武當山名山在湖北襄陽府均州南今州北有延岑城岑所築

遂據

漢中復略南陽漢中王嘉擊破之于冠軍

霍去病所封邑注見

前岑乃降嘉都南鄭

注見前

有衆數十萬校尉賈復

字君

文南陽冠軍人說曰今天下未定而大王安守所保所保得無

不可保乎嘉曰卿言大非吾任也大司馬在河北必能

相用乃為書薦復及長史陳俊

字子昭南陽西鄉人

于秀秀以

復為將軍俊為掾

時祭遵為秀軍市令秀舍中兒犯法遵格殺之秀怒將收遵主簿陳

遵一市令而能執法如此其將略已見一斑光武旋怒旋用是真能任人者必如是而後可為開叛之君

副諫曰明公常欲軍衆整齊今遵奉法不避是教令所行也乃貴之以為刺姦將軍謂諸將曰當備祭遵

吾舍中犯法尚殺之必不私諸卿也祭氏周祭伯之後以國為氏遵字弟孫顯川顯陽人

夏四月大司馬秀以上谷漁陽兵進拔邯鄲斬王郎

初薊中之亂耿弇與大司馬秀相失乃北走昌平

漢縣

今為州屬  
順天府  
就其父况請擊邯鄲况以邯鄲方盛力不

能獨拒寇恂曰東約漁陽同心合衆邯鄲不足圖也

况遣恂約彭寵寵吏吳漢蓋延

字巨卿漁陽要陽人

王梁

字君嚴漁

陽安陽人方勸寵從秀會恂至寵乃發步騎三千人使漢

延梁將之攻薊斬郎將趙閎恂自漁陽還與長史景

丹

字孫卿馮翊櫟陽人

及弇將兵俱南與漁陽軍合所過擊斬

王郎大將以下三萬級定縣二十有二前及廣阿聞

城中車騎甚衆景丹問何兵曰大司馬劉公也諸將

喜即進城中初傳言二郡兵為邯鄲來秀自勒兵登城問之耿弇拜于城下具言發兵狀秀乃悉召入笑曰邯鄲將帥數言我發漁陽上谷兵吾聊應言我亦發之何意二郡良為吾來方與士大夫共此功名耳乃以丹等為偏將軍加况寵大將軍

封列侯

會更始遣

尚書令謝躬

字子張南陽人

率六將軍討郎不能下秀與合

軍圍鉅鹿郎太守王饒城守月餘連攻不克耿純曰久守王饒士衆疲敝不如及大兵精銳進攻邯鄲若

光武平王郎燒  
謗書胡寅以為  
意師高祖封雅  
齒然高祖因沙  
中偶語以張良  
之策用權張良  
光武則不因賢  
勸出於義先以  
視高祖雖大小  
不倫而精義有

王郎已誅鉅鹿不戰自服矣秀從之四月進軍邯鄲  
連戰破之郎遣杜威請降威稱郎實成帝遺體秀曰  
設使成帝復生天下不可得況詐子與乎威求萬戶  
侯秀曰顧得全身可矣威怒而去秀急攻之遂拔邯  
鄲郎亡走王霸追斬之秀收文書得吏人與郎交關  
謗毀者數千章秀不省會諸將燒之曰今反側子自  
安

秀部分吏卒皆言願歸大樹將軍大樹將軍者馮  
異也異為人謙退不伐每所止舍諸將並坐論功

異常獨屏樹下故軍  
中號曰大樹將軍

聞矣

更始立大司馬秀為蕭王

注見前

更始遣使立秀為蕭王令罷兵

諸將有功者詣行在所達苗曾為幽州牧

韋順蔡充為上谷漁陽太守

蕭王居邯鄲宮畫卧溫明殿耿弇入

請歸上谷益兵王曰河北略平益兵何為弇曰王郎

雖破天下兵革方始聖公不能辦也敗必不久王起

坐曰卿失言吾斬卿弇曰大王哀厚弇如父子故敢

披赤心王曰我戲卿耳何以言之弇曰百姓患苦王

莽復思劉氏聞漢起兵莫不歡喜如去虎口得歸慈



母今更始為天子而諸將擅命於山東貴戚縱橫於都內元元叩心更思莽朝是以知其必敗也公功名已著以義征伐天下可傳檄而定天下至重不可令他姓得之聞使者從東方來欲罷兵不可從也王乃

辭以河北未平不就徵始貳于更始

時虎牙將軍鮪期亦勸王毋就

徵期初從王徇薊王出薊城時百姓遮道不得行期奮戟瞋目大呼左右曰趣衆皆披靡及是進說王笑

曰卿欲遂前趣耶 鮪音姚期字次况潁川鄉人趣與蹕同惟天子得稱

秋蕭王擊降銅馬諸賊南下河內

是時諸賊銅馬大彤高湖重連鐵脰大捨尤來上江  
青犢五校檀鄉五幡五樓富平獲索等或以山川土  
地為名或以軍容彊盛為號各領部曲衆合數十百  
萬人所在寇掠蕭王將擊之乃拜吳漢耿弇俱為大  
將軍持節發幽州突騎苗曾不從漢收斬之弇亦斬  
韋順蔡充悉發其衆秋王擊銅馬于鄆

漢書作鄆音  
若么反縣屬

鉅鹿郡故城在今直  
隸保定府東鹿縣

吳漢將突騎來會王堅營自守

絕賊糧道賊夜遁去王追擊大破之受降未盡而高

湖重連從東南來與銅馬餘衆合王復與大戰悉破

降之封其渠帥為列侯降者猶不自安王知其意敕

令各歸營勒兵乃自乘輕騎案行部陳降者更相語

曰蕭王推赤心置人腹中安得不投死乎由是皆服

悉以分配諸將衆遂數十萬于是關西號蕭王曰銅

馬帝赤眉別帥與青犢上江大彤鐵脰十餘萬衆在

射犬

故城在今河南懷慶府河內縣

王擊破之南徇河內太守韓歆

降

歆同邑人岑彭漢兵初起時守宛攻之月餘食盡乃降諸將欲殺之大司徒續曰彭堅心執守是其

卽也今舉大事當封之以勸後乃封彭歸德侯及縷  
遇害彭授淮揚都尉道阻不得之官乃依歙河內歙  
既降王召見彭彭曰幸蒙司徒見全未有報德今復  
遭遇願出身自效王深接納之 岑古岑子國之後  
彭字君然南陽棘陽人 謝躬數欲襲王未發率兵數萬屯鄴王

遣邀尤來躬兵大敗王使吳漢岑彭襲鄴躬還漢等

斬之其衆悉降

明年肅王擊尤來大捷五幡連破之  
乘勝輕進反為所敗歸保范陽軍中

不見王或言已破諸將不知所為吳漢曰卿曹努力  
王兄子在南陽何憂無主衆乃定賊雖戰勝而素憐  
大戚夜遂遁去大軍從進斬首三千餘級賊入漁陽  
王遣吳漢等十二將軍追擊之破散衆盡復與五  
校戰傷創甚王大驚曰我所以不令復別將者以其  
輕敵也果然失吾名將聞其婦有孕生女邪我子娶

之生男邪我女嫁之不舍  
其憂妻子也復病尋愈

### 冬赤眉西攻長安

赤眉雖數戰勝而疲敝愁泣思欲東歸樊崇等慮衆

東向必散不如西攻長安于是崇逢安自武關徐宣

謝祿楊音從陸渾

武關陸渾  
注俱見前

兩道俱入更始遣蘓茂

等拒之軍敗赤眉遂進至湖

注亦  
見前

秦豐據黎邱

故城在今湖北  
襄陽府宜城縣

自稱楚黎王

章懷曰豐本  
黎邱鄉人黎

邱楚地故  
稱楚黎王

豐自莽末起兵攻得十有餘縣遂自稱為王時汝南

田戎攻陷夷陵

注見前

自稱掃地大將軍與豐合豐以

女妻之

蕭王遣鄧禹將兵入關寇恂守河內馮異拒洛陽自引

兵徇燕趙

蕭王將北徇燕趙度赤眉必破長安乃拜鄧禹為前

將軍將兵西入關時朱鮪李軼守洛陽鮑永

字君長宣之子

更始徵拜尚書僕射

田邑

為上黨太守

在并州王以河內

險要富實欲擇守者而難其人問于鄧禹禹曰寇恂  
文武備足有牧民禦衆之才乃拜恂河內太守謂曰  
昔高祖留蕭何關中吾今委公河內當給足軍糧率  
厲士馬防遏他兵勿令北渡拜馮異為孟津將軍統  
兵河上以拒洛陽王乃引兵而北恂調餼糧治器械  
以供軍未嘗乏絕

三年 是年依前楚漢之例一歲兩條六月以  
前為更始三年光武即位以後為建武元年 春正

月平陵人方望以前孺子嬰稱帝于臨涇

漢縣故城在今甘肅平涼

府領  
原縣

更始遣兵擊斬之

方望度更始必敗更始微隗囂囂將行望止之不聽

遂辭囂而去與安陵人弓林

弓魯大夫叔弓之後以名為氏

等求得

前定安公嬰于長安將至臨涇立之聚衆數千人

望為

丞相林為大司馬

更始遣李松擊破皆斬之

夏四月公孫述稱帝于蜀

先是更始遣李寶徇蜀漢公孫述遣其弟恢迎擊于

緜竹

漢縣故城在今四川  
緜州德陽縣

大破走之述遂自立為蜀王



民夷皆附至是功曹李熊說述宜稱天子述遂即帝

位號成家改元龍興

熊為大司徒述弟光為大司馬恢為大司空

朱鮪殺李軼攻溫平陰

漢縣故城在今河南府孟津縣

馮異寇恂擊破

之

馮異遺李軼書為陳禍福勸令歸附軼知長安已危

而以伯升之死心不自安乃報異書而不復與爭鋒

故異得北攻天井關

在今山西澤州府鳳臺縣關南有天井泉三所

南下成

阜以東

降者十餘萬

斬河南太守武勃軼閉門不救異見


其信效具以白王王報曰季文

李軾字

多詐人不能得

其要領乃故宣露其書令朱鮪知之鮪怒使人刺殺軾由是城中乖離多有降者鮪遣其將攻溫自將攻平陰以綴異寇恂聞之勒兵馳出移告屬縣發兵會溫軍吏諫曰宜待衆軍畢集乃出恂曰溫郡之藩蔽失溫則郡不可守遂馳赴之將戰會異遣救諸縣兵皆至恂令士卒乘城鼓譟大呼劉公兵到奔擊破之異亦渡河擊鮪鮪走異與恂追至洛陽環城一帀而

歸



御批歷代通鑑輯覽卷二十